

„ბავშვიანი ოჯახების ეკონომიკური გაძლიერების ქვეპროგრამების“ ფარგლებში დროებითი საკონკურსო კომისიის დებულება

1. ზოგადი დებულება

1. წინამდებარე დებულება განსაზღვრავს ქალაქ ქუთაისში ბავშვიანი ოჯახების ეკონომიკური გაძლიერების ქვეპროგრამების ფარგლებში დროებითი საკონკურსო კომისიის საქმიანობის წესს და გამარჯვებული პროექტის გამოვლენას.
2. კომისიის საქმიანობის წესს (დებულებას) ამტკიცებს ქალაქ ქუთაისის მუნიციპალიტეტის მერი.

2. საკონკურსო პროექტის მიზანი

1. ბავშვიანი ოჯახების ეკონომიკური გაძლიერების ქვეპროგრამის ფარგლებში, ისეთი პროექტის დაფინანსება/თანადაფინანსება, რომელიც ხელს შეუწყობს ქალაქ ქუთაისში რეგისტრირებული ბავშვიანი ოჯახების ეკონომიკური უსაფრთხოების ხელშეწყობას.

3. კონკურსის ორგანიზება და ჩატარების პირობები

1. კონკურსის ორგანიზატორია ქალაქ ქუთაისის მუნიციპალიტეტის მერია.
2. განაცხადების მიღებას ახორციელებს ქალაქ ქუთაისის მუნიციპალიტეტის მერიის პირველადი სტრუქტურული ერთეული - სოციალურ საკითხთა სამსახური, რომელიც წინამდებარე დებულებით დადგენილი წესის შესაბამისად უზრუნველყოფს კონკურსის ჩატარებას.
3. კონკურსის პირობების დაცვა და შესრულება სავალდებულოა ყველასათვის.

4. დროებითი კომისიის შემადგენლობა და უფლებამოსილება

1. დროებითი კომისიის შემადგენლობას ამტკიცებს ქალაქ ქუთაისის მუნიციპალიტეტის მერი, შესაბამისი ბრძანებით.
2. კონკურსის ჩატარებაზე პასუხისმგებელია ქალაქ ქუთაისის მუნიციპალიტეტის მერიის პირველადი სტრუქტურული ერთეული - სოციალურ საკითხთა სამსახური.
3. დროებითი კომისია შედგება კომისიის თავმჯდომარის, თავმჯდომარის მოადგილისა და წევრებისაგან.
4. დროებითი კომისიის მუშაობას ხელმძღვანელობს კომისიის თავმჯდომარე, ხოლო მისი არყოფნის შემთხვევაში - კომისიის თავმჯდომარის მოადგილე.
5. კომისიის თავმჯდომარე უფლებამოსილია საკონკურსო კომისიის წევრად დამატებით მოიწვიოს პროექტის ფარგლებში დაინტერესებული მხარეების წარმომადგენლები, პროცესის გამჭვირვალობის ხელშეწყობის მიზნით მათი საჯარო ინტერესებიდან გამომდინარე.
6. დროებითი კომისია ხელმძღვანელობს საქართველოს ორგანული კანონის „ადგილობრივი თვითმმართველობის კოდექსით“ წინამდებარე დებულებითა და სხვა სამართლებრივი აქტებით.
7. დროებითი კომისიის სხდომა უფლებამოსილია, თუ მას ესწრება კომისიის წევრთა ორი მესამედი.
8. დროებითი კომისიის წევრს არ აქვს უფლება კონკურსში მონაწილეობის მიზნით, წარადგინოს პროექტი/პროექტები.
9. გადაწყვეტილება მიღებულად ჩაითვლება, თუ მას ხმა მისცა დროებითი კომისიის დამსწრე წევრთა ნახევარზე მეტმა. ხმების თანაბრად გადანაწილების შემთხვევაში გადამწყვეტია კომისიის თავმჯდომარის ხმა.
10. დროებითი კომისია გამოავლენს გამარჯვებულ კონკურსანტს/კონკურსანტებს.

11. კომისიის სხდომა ფორმდება ოქმით, რომელსაც ხელს აწერენ კომისიის თავმჯდომარე და დამსწრე წევრები. კომისიის წევრს აქვს უფლება, თავისი განსხვავებული აზრი დაურთოს ოქმს, რის შესახებაც ოქმში კეთდება აღნიშვნა.

5. კომისიის საქმიანობის ფინანსური უზრუნველყოფა
კომისიის წევრები თავის საქმიანობას ახორციელებენ სამსახურებრივი საქმიანობისაგან მოუწყვეტლად და უსასყიდლოდ.

6. დებულების შეცვლა
წინამდებარე დებულების ცვლილებებსა და დამატებებს, აგრეთვე დებულების ახალ რედაქციას ამტკიცებს ქალაქ ქუთაისის მუნიციპალიტეტის მერი, შესაბამისი ბრძანებით.

7. დებულების მოქმედების ვადა
კომისიის წინამდებარე დებულება ძალაშია ქალაქ ქუთაისის მუნიციპალიტეტის მერის შესაბამისი ბრძანების დამტკიცების დღიდან და მოქმედებს კომისიის უფლებამოსილების ვადის ამოწურვამდე.

ოსებ ხახალეიშვილი
ქალაქ ქუთაისის მუნიციპალიტეტის მერი



„ბავშვიანი ოჯახების ეკონომიკური გაძლიერების“
ქვეპროგრამის კონკურსის
ჩატარების წესი

1. ინფორმაცია ქვეპროგრამის შესახებ

ბავშვიანი ოჯახების ეკონომიკური გაძლიერების ქვეპროგრამის განხორციელების მიზნით, მიზამშეწონილია კონკურსის წესით შეირჩეს ორგანიზაცია, რომელიც უზრუნველყოფს აღნიშნული პროგრამით გათვალისწინებულ ბავშვიანი ოჯახების ეკონომიკური გაძლიერების და მშობლებში პოზიტიური მშობლობის უნარ-ჩვევების გამომუშავების მიზნით განსახორციელებელ ღონისძიებებს.

2. ქვეპროგრამის განმახორციელებელი

ქალაქ ქუთაისის მუნიციპალიტეტის მერიის პირველადი სტრუქტურული ერთეული - სოციალურ საკითხთა სამსახური /ბავშვთა უფლებების დაცვისა და მხარდაჭერის განყოფილება/.

3. პრობლემის განსაზღვრა

ა) ქალაქ ქუთაისის ტერიტორიაზე რეგისტრირებული და მცხოვრები ბავშვიანი ოჯახების სოციალური მდგომარეობის გაუმჯობესება სახელმწიფო სოციალური პოლიტიკის ერთ-ერთ პრიორიტეტულ მიმართულებას წარმოადგენს. ბავშვთა სიღარიბე და ბავშვთა მიმართ ძალადობა კვლავაც რჩება მნიშვნელოვან გამოწვევად საქართველოს ბავშვთა დაცვისა და კეთილდღეობის სისტემისათვის. ბავშვიანი ოჯახების სოციალური მდგომარეობის გაუმჯობესების ერთ-ერთი გზა არის ოჯახის ეკონომიკური და პოზიტიური მშობლობის კუთხით გაძლიერება.

ბ) ბავშვიანი ოჯახების ეკონომიკური გაძლიერების ქვეპროგრამის განხორციელების მიზნით, მიზამშეწონილია კონკურსის წესით შეირჩეს მომსახურების მიმწოდებელი ორგანიზაცია, რომელიც უზრუნველყოფს აღნიშნული ქვეპროგრამით გათვალისწინებული ბავშვიანი ოჯახების ეკონომიკური გაძლიერებისა და მშობლებში პოზიტიური მშობლობის უნარ-ჩვევების გამომუშავებისათვის განსახორციელებელ ღონისძიებებს.

4. ქვეპროგრამის მიზანი

მოწყვლად მდგომარეობაში მყოფი ბავშვიანი ოჯახების მხარდაჭერა, რომელიც მოიცავს სამ კომპონენტს, კერძოდ: ქვეპროგრამის მონაწილე ოჯახებთან სოციალური მუშაკების ჩართულობა ბიო-ფსიქო-სოციალური მიდგომების გზით, ოჯახის ეკონომიკური და პოზიტიური მშობლობის კუთხით გაძლიერება. „ბავშვის უფლებათა კოდექსის“ მოთხოვნათა და ბავშვთა უფლებების მიმართულებით არსებული გამოწვევების საპასუხოდ, პროგრამის მონაწილე ბავშვიანი ოჯახების ეკონომიკური უსაფრთხოების ხელშეწყობა, რათა ამ გზით შემცირდეს ოჯახების ეკონომიკური მდგომარეობის უარყოფითი გავლენა ბავშვის განვითარების სხვადასხვა ასპექტებზე.

5. მოსალოდნელი შედეგი

ხელმისაწვდომობა ფინანსურ რესურსებზე/შემოსავალზე ეხმარება მშობლებს/მზრუნველებს ინვესტირება განახორციელონ მათი შვილების სოციალურ-ეკონომიკური უზრუნველყოფის, ღირსების დაცვის, კეთილდღეობის, უსაფრთხოების, სიცოცხლის, ჯანმრთელობის დაცვის, განათლების, განვითარებისა და სხვა ინტერესების რეალიზებასა და დაცვაში.

6. ქვეპროგრამის განხორციელების გეოგრაფიული არეალი

ქალაქ ქუთაისის მუნიციპალიტეტის ტერიტორია.

7. ქვეპროგრამის სამიზნე ჯგუფი

1. ქვეპროგრამის სამიზნე ჯგუფს წარმოადგენს ქალაქ ქუთაისში რეგისტრირებული და მცხოვრები ბავშვიანი ოჯახები, რომლებიც ქვემოთ ჩამოთვლილი კრიტერიუმებიდან, სულ მცირე ორს მაინც აკმაყოფილებს:

ა) სოციალურად დაუცველი ოჯახების მონაცემთა ერთიან ბაზაში რეგისტრირებული ბავშვიანი ოჯახი, 120 001 -მდე სარეიტინგო ქულით;

- ბ) გაღარიბების მაღალი რისკის წინაშე მყოფი ბავშვიანი ოჯახი /სოციალური მუშაკის დასკვნით დადასტურებული, კრიზისულ მდგომარეობაში მყოფი ბავშვიანი ოჯახი/;
- გ) ერთ-ერთი მშობელი, რომელიც დამოუკიდებლად ასრულებს მშობლის ფუნქციებს;
- დ) ოჯახები, რომლებსაც ჰყავთ სუსტი თანადგომის ქსელი /საფუძველი: სოციალური მუშაკის დასკვნა/

ე) ბავშვიანი ოჯახები, სადაც ერთი მშობელი კანონთან კონფლიქტშია.

2. ქვეპროგრამაში მონაწილეობას ვერ მიიღებს „მრავალშვიანი ოჯახების მიკრო და მცირე ბიზნესის ხელშეწყობის“ ქვეპროგრამით მოსარგებლე პირები.

3. ქვეპროგრამაში ჩართვის წინ, მომსახურების მიმღებ პოტენციურ მონაწილესთან უნდა მოხდეს ფორმალური შეთანხმება, რომ აუცილებლად დაესწროს ყველა სესიას, რადგან პროცესი არის დინამიური, თანმიმდევრული, უწყვეტი (ამასთან, წინა სესიების თეორიული მასალის განმტკიცება ხდება მომდევნო სესიაზე პრაქტიკული სავარჯიშოებით). სასურველია, ჯგუფში ჩართული იყოს ერთდროულად ორივე მშობელი ან საჭიროებისამებრ ოჯახის სხვა წევრი (და, ჩართული იყოს ერთდროულად ორივე მშობელი ან საჭიროებისამებრ ოჯახის სხვა წევრი (და, ბებია, და ა.შ.), მაგრამ აუცილებლად ბავშვის აღზრდის უშუალო მონაწილე, უფლებამოსილი პირი.

4. ქვეპროგრამაში მონაწილეობის მსურველი ვალდებულებას იღებს ურთიერთთანამშრომლობაზე. სამიზნე ჯგუფის პირთა იდენტიფიცირება განხორციელდება ბავშვთა უფლებების დაცვისა და მხარდაჭერის განყოფილების სოციალური მუშაკების მიერ. მუნიციპალიტეტის მიერ შემუშავებული შესაბამისი დასკვნა-რეკომენდაცია გადაეცემა ქვეპროგრამის ფარგლებში კონკურსის წესით მომსახურების მიმწოდებელი ორგანიზაციას. ქვეპროგრამის ფარგლებში მომსახურების მიმღები ბენეფიციარის კუთხით იმუშავებს მომსახურების მიმწოდებელი ორგანიზაცია. საბოლოო ჯამში, სოციალური მუშაკისა და მომსახურების მიმწოდებლის დასკვნის საფუძველზე, ბენეფიციარის პროგრამაში ჩართვის კუთხით გადაწყვეტილებას მიიღებს ქვეპროგრამის ფარგლებში შექმნილი სამუშაო ჯგუფი.

5. ქვეპროგრამის პროცესში, მომსახურების მიღების მიზნით შეირჩევა მაქსიმუმ 10 ოჯახი.

8. ქვეპროგრამის მოქმედების ვადა

ქვეპროგრამის მოქმედების ვადაა საბიუჯეტო წლის ბოლომდე.

9. ქვეპროგრამის ბიუჯეტი

ქვეპროგრამის საერთო ბიუჯეტი 70 000 ლარი, მათ შორის:

- ა) ბავშვიანი ოჯახების ეკონომიკური გაძლიერება - 50000
- ბ) მშობლებში პოზიტიური მშობლობის უნარ-ჩვევების გამომუშავების მიზნით განსახორციელებელი ღონისძიებები - 8000
- გ) ადმინისტრაციული ხარჯი - 12000

10. ქვეპროგრამის აღწერა

1. კონკურსის წესით გამოვლენილმა მომსახურების მიმწოდებელმა ორგანიზაციამ, ბავშვიანი ოჯახების ეკონომიკური გაძლიერების მიზნით, უნდა განახორციელოს ქვეპროგრამაში მონაწილე თითოეული ოჯახის მხარდაჭერა მომსახურების ან/და საქონლის/პროდუქტის შესყიდვის სახით, შემდეგი მიზნებისთვის:

- ა) პროფესიული გადამზადება/სტაჟირება დასაქმებისთვის;
 - ბ) შემოსავლების მომტანი საქმიანობის წამოწყება (მათ შორის თვითდასაქმების ხელშეწყობა სოფლის მეურნეობის ან სხვა სფეროში);
 - გ) ინვენტარის შეძენა თვით-დასაქმება/დასაქმებისთვის და სხვა, საჭიროებისამებრ.
2. ქვეპროგრამის ბიუჯეტის ფარგლებში, თითოეულ შემთხვევაზე, ოჯახების მხარდაჭერა განისაზღვრება არაუმეტეს 5000 ლარის ოდენობით.

3. კონკურსის წესით შერჩეულმა ორგანიზაციამ, მშობლებში პოზიტიური მშობლობის უნარ-ჩვევების გამომუშავების მიზნით უნდა განახორციელოს შემდეგი ღონისძიებები:

4. ქვეპროგრამის მონაწილე ოჯახებში ბავშვის აღზრდის საკითხებზე ცოდნისა და პოზიტიური მშობლობის უნარების გაუმჯობესების მიზნით ისეთი აქტივობების განხორციელება, რომელიც შეამცირებს ოჯახის ეკონომიკური მდგომარეობის უარყოფით გავლენას ბავშვის განვითარების სხვადასხვა ასპექტებზე, კერძოდ:

- ა) ინტერპერსონალური უნარ-ჩვევების გაძლიერება, რაც ხელს შეუწყობს მშობელსა და ბავშვს შორის ეფექტურ კომუნიკაციას;
- ბ) მშობელსა და ბავშვს შორის თანამშრომლური ურთიერთობების ჩამოყალიბებას;
- გ) მშობლის ხელშეწყობით ბავშვებში და მოზარდებში სოციალური კომპეტენციის განვითარებასა და პრობლემური ქცევის შემცირებას;
- დ) ასაკობრივი თავისებურებების და სირთულეების გაცნობას;
- ე) მშობელის/კანონიერი წარმომადგენლის მიერ პრობლემური სიტუაციის სწორად გაანალიზებას;

ვ) მშობლის სოციალური უნარებისა და ოჯახის დაგეგმარების დასწავლას.

5. პროგრამაში მონაწილე მშობლებს/მზრუნველებს, ბავშვის აღზრდის საკითხებზე ცოდნასა და პოზიტიური მშობლობის უნარების გაუმჯობესებაზე ორიენტირებული მუშაობა უნდა ჩატარდეს ჯგუფური ფორმატით, ინტერაქციული სწავლების მეთოდების და კონკრეტული უნარ-ჩვევების განმავითარებელი სავარჯიშოების გამოყენებით, წინასწარ წარმოდგენილი ტრენინგ-მოდულით, რომელიც ორგანიზაციის მიერ არის ადაპტირებული და ეფუძნება საერთაშორისო გამოცდილებას. ერთი სატრენინგო ჯგუფი უნდა მოიცავდეს არანაკლებ 10 სესიას, რომელიც ჩატარდება კვირაში ორჯერ. მონაწილეთა რაოდენობა /თითოეულ სესიაზე მინიმუმ 5 მონაწილე/ განისაზღვრება ქვეპროგრამაში შერჩეული ოჯახების სრულწლოვანი წევრების რაოდენობის მიხედვით, მაქსიმუმ 20 ბენეფიციარი.

6. აღნიშნულ კომპონენტში ჯგუფურ მუშაობას ჩატარებს ფსიქოლოგი ან სოციალური მუშაკი, რომელთაც უნდა ჰქონდეთ კვალიფიკაციის დამადასტურებელი დოკუმენტი და მსგავსი ტიპის პროგრამაში მონაწილეობის არანაკლებ 2 წლის გამოცდილება. გარდა ამისა, შერჩეულ ორგანიზაციას უნდა ჰქონდეს ანალოგიური საქმიანობის განხორციელების არანაკლებ 1 წლის გამოცდილება.

7. იმისათვის, რომ მიზანი იყოს შედეგზე ორიენტირებული და სოციალური სამუშაო მობილური და ეფექტიანი გახდეს, აუცილებელია ოჯახის ეკონომიკური გაძლიერების და პოზიტიური მშობლობის გაძლიერების კომპონენტები მოწოდებული იქნას ერთი ორგანიზაციის მიერ. ბენეფიციარისთვის ორივე კომპონენტი მომსახურების მომწოდებლის მიერ უნდა განხორციელდეს ერთდროულად.

11. ანაზღაურების წესი

შესრულებული სამუშაო ანაზღაურდება ეტაპობრივად, წარმოდგენილი შესრულებული სამუშაოს ამსახველი დოკუმენტაციის შესაბამისად.

12. კონკურსის საკვალიფიკაციო მოთხოვნები

1. კონკურსში მონაწილეობა შეუძლია ორგანიზაციებს, რომლებიც უნდა აკმაყოფილებდნენ შემდეგ კრიტერიუმებს:

- ა) საკონკურსო პროგრამის სამიზნე ჯგუფებთან მუშაობის გამოცდილება;
- ბ) პროექტის განხორციელებისთვის საჭირო ადამიანური და მატერიალური რესურსის

ქონა;

გ) პროექტის მართვის უნარი.

დ) ბიზნესის მხარდამჭერი პროგრამების გამოცდილება

2. საკონკურსო განაცხადის ფორმა შევსებული უნდა იყოს სრულყოფილად და თან ერთვოდეს საჭირო დოკუმენტაციას.

3. საკონკურსო განაცხადი მიღებული უნდა იყოს მიღებისთვის დადგენილ ვადაში.

4. საკვალიფიკაციო მოთხოვნებთან შეუსაბამობის შემთხვევაში, კომისია იღებს გადაწყვეტილებას განაცხადის განუხილველად დატოვების შესახებ, ხოლო საკვალიფიკაციო მოთხოვნებთან შესაბამისობის შემთხვევაში, კომისია იწყებს საკონკურსო განაცხადების შერჩევას პრიორიტეტულობის კრიტერიუმების მიხედვით და შემდეგ მათ დეტალურ შეფასებას და შემოწმებას.

5. შესაძლებელია კოალიციური ერთი ან რამდენიმე არასამთავრობო ორგანიზაციის მიერ წარმოდგენილი პროექტების განხილვა.

13. საკონკურსო განაცხადების წარდგენის პროცედურები

- ა) დაინტერესებულმა არასამთავრობო ორგანიზაციებმა, საკონკურსო განაცხადი უნდა წარმოადგინონ სოციალურ საკითხთა სამსახურში (მის: ნ.დუმბაძის ქ. N61).
- ბ) დაგვიანებით შემოსული განაცხადები არ განიხილება.
- გ) ყველა განაცხადის გადამოწმება მოხდება სისრულის თვალსაზრისით.
- დ) წარმოდგენილი განაცხადები შეფასდება დადგენილი საკვალიფიკაციო და შეფასების კრიტერიუმების მიხედვით.
- ე) საკონკურსო განაცხადების წარდგენისათვის განკუთვნილი დროის ამოწურვის შემდეგ, კომისია იწყებს საკონკურსო განაცხადების შემოწმებას. შემოწმების მიზანია წარმოდგენილი განაცხადების საკვალიფიკაციო მოთხოვნებთან შესაბამისობის დადგენა.

14. დოკუმენტების წარმოდგენა

კომისიას წარედგინება:

- ა) პროექტის განაცხადი ხელმოწერილი და ბეჭედდასმული (ბეჭდის არსებობის შემთხვევაში) ერთი ეგზემპლარი, ბეჭდური სახით და ასევე ელექტრონული ვერსია, დალუქული კონვერტით.
- ბ) უახლესი ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან. (იურიდიული პირებისათვის)
- გ) ცნობა შესაბამისი საგადასახადო ორგანოდან ბიუჯეტის მიმართ დავალიანების არარსებობის შესახებ.
- დ) იმ შემთხვევაში, თუ პროექტის ფარგლებში იგეგმება სახელმწიფო ინსტიტუტებთან ან/და მედია და დონორი ორგანიზაციების წარმომადგენლებთან თანამშრომლობა, ამ ორგანიზაციების თანხმობის წერილი.

15. საკონკურსო განაცხადების შერჩევის, შეფასების პროცესი და გადაწყვეტილების შეტყობინება

1. საკონკურსო განაცხადების შერჩევის ობიექტური და მიუკერძოებელი პროცესის უზრუნველყოფის მიზნით, წარმოდგენილი დოკუმენტები განიხილება საკონკურსო კომისიის მიერ. დაფინანსება/თანადაფინანსების გაცემის თაობაზე, საბოლოო გადაწყვეტილებას კომისიის წევრების მიერ ხელმოწერილი დასკვნის საფუძველზე იღებს ქ. ქუთაისის მუნიციპალიტეტის მერი.
2. კომისიის წევრები განიხილავენ წარმოდგენილ განაცხადებს. საკონკურსო განაცხადთან შესაბამისობის განსაზღვრის მიზნით, შერჩევის პროცედურების დროს მოწმდება:
 - ა) არის თუ არა წარმოდგენილი საკონკურსო განაცხადით გათვალისწინებული ყველა საჭირო დოკუმენტი და ინფორმაცია.
 - ბ) არის თუ არა ყველა საჭირო დოკუმენტი წარმოდგენილი შესაბამისი ფორმის დაცვით.
3. განაცხადი, რომელიც არ შეიცავს საკონკურსო განაცხადით დადგენილ სრულ მოთხოვნებს, არ განიხილება.
4. საკონკურსო განაცხადის გახსნის შემდეგ მასში ცვლილებების შეტანა დაუშვებელია.
5. საკონკურსო კომისიას უფლება აქვს კონკურსანტებს მოსთხოვოს წერილობითი განმარტება მათ განაცხადებში წარმოდგენილი ინფორმაციების დაზუსტების მიზნით.
6. საკონკურსო კომისია განაცხადების განხილვასა და შეფასებას უზრუნველყოფს დადგენილ ვადაში.
7. შეფასება განხორციელდება ქვემოთ ჩამოთვლილი კრიტერიუმების მიხედვით, 1 - 5 ქულამდე შეფასების სისტემით:
 - ა) მხარდამჭერი პროგრამების განხორციელების გამოცდილება;
 - ბ) მოიცავს თუ არა განაცხადი პროცესის შემადგენელ სხვადასხვა ეტაპებს (გადამზადება, დაფინანსება, განხორციელება, მონიტორინგი);
 - გ) პროექტების შერჩევის კრიტერიუმები და წესი;
 - დ) პროექტი მართვის გამოცდილება.
8. კომისიის მიერ მიღებული დასკვნა ფორმდება ოქმის სახით, რომელსაც ხელს აწერენ კომისიის წევრები.

9. ყველა კონკურსანტს, კონკურსში მიღებული შედეგების შესახებ ეცნობება სოციალურ საკითხთა სამსახურის მიერ წერილობით. საკონკურსო კომისიის მიერ შესაბამისი გადაწყვეტილების მიღებიდან არაუგვიანეს 5 სამუშაო დღისა.

10. კონკურსის შედეგები საჯაროდ ქვეყნდება ქ.ქუთაისის მუნიციპალიტეტის მერიის ოფიციალურ ვებ გვერდზე- www.kutaisi.gov.ge

16. კონტროლი და ანგარიშგება

კონკურსის შედეგად გამოვლენილი ორგანიზაცია ვალდებულია ქალაქ ქუთაისის მუნიციპალიტეტის მერიის სოციალურ საკითხთა სამსახურის ბავშვთა უფლებების დაცვისა და მხარდაჭერის განყოფილებაში წარადგინოს ყოველი ორი თვის ანგარიში პროექტის/პროექტების მიმდინარეობის შესახებ.

17. ვადები

1. კონკურსი უნდა გამოცხადდეს 2023 წლის 1 მარტს.
2. საკონკურსო განაცხადის წარდგენის ბოლო ვადაა 2023 წლის 14 მარტი.
3. საკონკურსო კომისიამ საკონკურსო განაცხადი უნდა შეაფასოს არაუგვიანეს 2023 წლის 28 მარტისა.

ოსებ ხახალეიშვილი
ქალაქ ქუთაისის მუნიციპალიტეტის მერი



საკონკურსო პროექტის განაცხადის ფორმა.

1. ინფორმაცია განმცხადებელი ორგანიზაციის შესახებ	
ორგანიზაციის სრული დასახელება	
სამართლებრივი ფორმა	
რეგისტრაციის თარიღი	
საიდენტიფიკაციო კოდი	
იურიდიული მისამართი	
ფაქტიური მისამართი	
ორგანიზაციის ხელმძღვანელი	
საკონტაქტო პირი	
ვებ-გვერდი	
ელ. ფოსტა	
2. ზოგადი ინფორმაცია პროექტის შესახებ	
პროექტის სახელწოდება	
პროექტის დაწყების თარიღი	
პროექტის დასრულების თარიღი	
პროექტის ბენეფიციარები (რაოდენობა)	
პროექტის მთლიანი ღირებულება თანხის ოდენობა (თანხა ლარი)	

სოციალურ საკითხთა სამსახურიდან დასაფინანსებელი თანხის რაოდენობა (თანხა ლარი)	
ორგანიზაციის მიერ გაწეული ფულადი თანამონაწილეობა	
ორგანიზაციის მიერ გაწეული არაფულადი თანამონაწილეობა	

3. განმცხადებელი ორგანიზაციის გამოცდილება.

მიუთითეთ, ასეთის არსებობის შემთხვევაში ბოლო სამი წლის განმავლობაში განხორციელებული პროექტები, ქვემოთ მოცემული ცხრილის შესაბამისად:

პროექტის სახელწოდება	განხორციელების წელი	შედეგები	დონორი (თუ არსებობს)	ბიუჯეტი, ლარი

განმცხადებელი ორგანიზაციის შემთხვევაში აგრეთვე დააზუსტეთ ამ განხორციელებულ პროექტებთან დაკავშირებით:

- შემოსავლის სხვა წყაროები, გარდა დონორის მხარდაჭერისა.
- ორგანიზაციის ეკონომიკური საქმიანობის გამოცდილება.
- თანამშრომელთა რაოდენობა (სრული, არასრული, მოხალისე)
- დაურთეთ ორგანიზაციის წინა წლის ბალანსის ასლი.

4. პროექტის დასაბუთება და რელევანტურობა

1. წარმოადგინეთ პროგრამის განხორციელების თქვენეული ხედვა, რომელიც მოიცავს ბენეფიციართა გადამზადება/სტაჟირების, შემოსავლის მომტანი საქმიანობის მდგრადობის უზრუნველყოფის და მონიტორინგის ელემენტებს.

2. წარმოადგინეთ პროექტების შერჩევის წესი და პირობები, რომელიც უნდა მოიცავდეს შერჩევის პირობების და კრიტერიუმების აღწერას.

5. პროექტის სამიზნე ჯგუფი/ჯგუფები.

მიუთითეთ იმ ადამიანთა ჯგუფი/ჯგუფები, რომლებიც კონკრეტულ სარგებელს მიიღებენ თქვენი პროექტის განხორციელების შემთხვევაში.

6. პროექტის განხორციელების გრაფიკი.

წარმოადგინეთ პროექტის აქტივობების განხორციელების გრაფიკი ქვემოთ მოცემული ცხრილის მიხედვით.

ცხრილი მოცემულია ნიმუშის სახით და პროექტის საჭიროებიდან გამომდინარე შესაძლებელია ხაზის დამატება/წაშლა.

N	ღონისძიება	თვეები		

7. პროექტის მოსალოდნელი შედეგები და გავლენა გრძელვადიან პერსპექტივაში.

აღწერეთ პროექტის გრძელვადიანი შედეგები და ის სავარაუდო ეფექტი, რაც მოჰყვება პროექტის წარმატებით განხორციელებას. მიუთითეთ, რა დადებით გავლენას იქონიებს პროექტი სამიზნე ჯგუფი/ჯგუფებზე.

8. რისკების ანალიზი

მოკლედ აღწერეთ პროექტის განხორციელებასთან დაკავშირებული შიდა და გარე რისკ ფაქტორები და მათი შემცირების მექანიზმები.

9. პროექტის ბიუჯეტის ფორმა

ცხრილი მოცემულია ნიმუშის სახით და პროექტის საჭიროებიდან გამომდინარე შესაძლებელია ხაზის დამატება. შევსებული უნდა იყოს ქვემოთ მოცემული ცხრილის შესაბამისად.

სავალდებულოა პროექტის ფარგლებში შრომის ანაზღაურების ხარჯების დაფინანსებისათვის გამოყოფილი თანხები იყოს პროექტის ღირებულების არაუმეტეს 30% ფარგლებში.

პროექტის წარდგენის თარიღი: -----

ორგანიზაციის ხელმძღვანელის ხელმოწერა: -----

ორგანიზაციის ბეჭედი(მისი არსებობის შემთხვევაში) -----



საკონკურსო განაცხადის შეფასება

განმცხადებელი		
პროექტის სახელწოდება		
პროექტის ღირებულება		
წარმოდგენილი დოკუმენტაცია	სრული	არასრული
ფურცლების რაოდენობა		
განხილვაში მიღება	კი	არა
შენიშვნა		

პროექტის შეფასება კრიტერიუმების მიხედვით 1 -დან 5 ქულამდე შეფასების სისტემით

N	შეფასების კრიტერიუმები	მინიჭებული ქულა
1	პროგრამების განხორციელების გამოცდილება	
2	მოიცავს თუ არა განაცხადი პროცესის შემადგენელ სხვადასხვა ეტაპებს	
3	ბიზნეს პროექტების შერჩევის კრიტერიუმები და წესი	
4	პროექტის მართვის გამოცდილება	
შეფასების ჯამური ქულა		

შემფასებელი პირის სახელი, გვარი	ხელმოწერა
---------------------------------	-----------

იოსებ ხახალაიშვილი
ქალაქ ქუთაისის მუნიციპალიტეტის მერი

